

(Lorenzo Panizza)

Buna sira, buna sira me cari siuri! E ben, c' me cla va?

Me a dig che si sei chi el vo dî c'la va ben e me a son cuntént per voi e anche per noi!!

A l'è 64 ani ca fuma sta Divota Cumedia e s'iv stonchi nenta voi ad vigla, figürumsi noi a fela!

Us capiss che ogni tont u j'è di cambiament: u temp el pasa per tucc. Ist'ani sti bravi Frà j'on cambià tüt el luci del palc e l'impiont eletric per fev vighi ancora pü ben tüt el bel sceni cu j'è ant'ista rapresentation.

Desà chi j'eru, vist che ad gent c'la capiss u lisondren u na j'è semper pü poca, i pensavu ad бүтé el scüfij ataca el cadregghi, i sei, c' me chi fon ant'ì Cungress Internasiunal, a l'O.N.U., con j'interpreti chi parlu tüt el lengui. Po', anveci, j'on decis ad nent buteji: meja per i sold, no! A l'è perchè is son uardà an gir e d'interpreti "lisondren/italion" i n'on truà meja. Osà!

Ma me a son cunvint che vujater i capisi listëss, perchè ist rapresentation chi is sentu nenta anmache con gl'iurigi, is sentu con el cor!

Ma uarduma an po' se cu j'è sucëss l'an pasà, tont per fè du ciaceri, c' me cul dunëti chi von a fè speisa dal butjè, dal maslè, dal paneté. S'ut capita d'esi ant'jën di sti negosi che t'speci u to turno, che u Signur c'ut na scompa: i son semper beie anfularmaij: "Munsü, cum lasa pasè per piàsì: a j'ho d'andè a cà sghegià per butè sü el buji, se no chi c'ul sent cul omi quondi ch'el ven a cà da travajè!"

Isti i son culi pü educaji; anveci u j'è culi furbëti ch'it pasu d'adnon fonda mustra d'gnente e se t'hai fai uservation it uardi ad brüt c' me che se el maledücà at fijsi té! Ma el bel a l'è che quondi che te at sorti finalment d'an tu negosi andò t'ja trovi? An s'el canton chi ciaciaru e i ciaciaru, i taju i culèt a tücc: parent, amis, cunusent, e uj na fijsa. Ater che buji! E po' j'hon semper presia!!!

Na vota a son rivà an sità e tüt la gent ca m'aughiva am amniva anturn e la crijava: "Bravo Gilindo, bravo Gilindo! - T'hai vensì la maratona a gl'olimpiadi!" - Ma no, ma no! me ai diva: cul là a l'è in veneto, ad cugnom el fà Bordin; a son nenta mé ma a son tont cuntent l'istëss perchè in italion u s'è facc unur ant'el Mond.

Ben a diva, a son rivà an sità andonda adasi adasi perchè se no el Mini-

ster Ferri, cul du decret di 90 e 110 a l'ura, vist ca j'ho meja ad machina um fava sequestrè i suclon!!!

A j'ava la me cavagna pejna ad sirass e ad strachen e a son andacc per vendji an s'el mercato coperto, an Via San Lurens, c'me ca j'ava sa facc tont voti. Na guardia a m'ha dicc ca l'era intuil: j'eru adrera ch'il saravu perchè l'era da rimudernè, da fè an po' pulid, e u m'ha cunsiglià ad pruvè a l'Esse Lunga. "E sà, i l'a sei longa voi, a j'ho dicc, ma me a so meja andò c'l'è sa roba lè?!" - "Ma a l'è là and'ò cu j'era Bursalen!" - Ben, a son andacc: a j'ev vist che roba longa ch'i j'on facc? U j'è da perdsi ac'si là andrenta. E antont ca caminava per truè el bonc di furmagg, aughiva del reclam dapertüt: Offerta speciale! 3x2 - 3x2 e me a j'ho cüntà an s'la poncia di di: tre voti doi el fa ses! Anlura a j'ho pià ses afari e tont ca fava per sorti um s'è infilà adrera in guardion che, s'leisa nent avì an po' ad cumpassion um fava finì an gavardouna. Si fijsu an po' pü ciar quondì chi scrivu el robi!!

L'è che me a son an po' preocupà perchè a so nent sa pudrò ancora cuntinuè a fè i me strachen e i me sirass con tut ist'inquinament cu j'è an gir ant'i noster fiüm e ant'el noster campagnì! Andò ca monda me el me bëci a mongè an po' d'erba pulida! - Cui an po' pü ansion ant'la bela stagion j'andavu a fè amrenda a Burmia; adess con tüt sta chimica cu j'è an gir, u j'è da stupes u nas quondì che at pasi ans'el pont. Ater che i stricc d'na vota ca mangiavu beje rusti!!

Eh! u noster Sendic l'è jën ch'el va fort, neh! L'ha nent vensì gl'olimpiadi ma la maratona u la facia anche lu! I l'eisi vist col so braji cörti e la fiacula an mon!

E la so aministrasion la va fort anche lè. Se, l'è veira cu j'è in mugg ad strà ruti, specialment andò cui pasa j'autobus, in mugg ad lampadeini brusai au long el strà, però toncc travaj i son stacc facc e j'on ant'la testa in mugg ad pruget. Speruma ch'ij bütu nenta tont temp c'me u sutpasagi ad Piasa Mentana, perchè a l'è doi ani chi na parlu e i na scrivu an si giornal e, forse forse, j'on c'mensà i travaj ades.

E Via dei Martiri, cula ch'ji ciamavu Via Umberto I, a j'ev vist che bela? I son stacc veloci, neh! J'on dacc meja ad fastidi ai negusiont e a la gent: i j'on bütà an mach trei meis e mes per fè is toc ad strà! Figürumsì s'jeisu da rifè el Curs Ruma!

J'on duvì fè e rifè tüt el túbasion del gas, d'la luce, d'l'acqua e du telefono chi son suta tera e quondì cu j'era pront cui del gas i'eru nent pront cui d'la luce e po' ui mancava cul d'l'acquedotto. J'on spendì in mugg ad sold e i la finivu pü!

A l'è an po' c'me cu j'è sucess an Piasa Savouna.

Dis che lè ji bütu i banchët del mercà chi son semper stacc an Piasa

Ratass, perchè süta i voru fè el parcheggio sotterraneo. Ma andò ch'is sa scredu d'andè a бүтè el machini? Ant'i fundament du Dom vegg, cul c'l'ava facc trè su Napulion?

Antont per adess, cui chi rivu da fora con la machina i son pü andò бүтela e po' us vigherrà! Antont ant'i giarden le, dausen al Marini, vist che cul cesu giald e rutond i riesu nenta a fel funsiunè, j'on butà cuche bela preja anturn e i l'on facc amni in monument!!

Anche per u Simiteri u j'è stacc cuche grouna. J'avu c'mensà a fè na specie ad grattacielo an ver la Piasa d'Armi e po' j'on piantà lè: u smeja ch'jabiu sbaglià gl'iamsüri e che i tirèt i fijsu talment stricc che el casi da mort ij stavu nent andrenta! El Cumèn l'ha pü pagà e la dita l'è falija e ad post per i noster mort uj n'è pü meja. Na vota u j'è rivà doi caruss da mort au Simiteri e el Guardion l'ha dicc: "chi ad post uj n'è jën sul. Tirè la büsca: chi ch'el vens u resta chi e l'ater u s'arongerrà". U smeja che cul c'la pers i l'abiu purtà a Casà Bajon o a Castiseriò.

E l'Italia! J'on semper dicc c'l'è in Pais pover ma u j'è semper cucd'ën cu trova del minieri d'or, neh! Prüma i minister j'on trovà cula d'le Carceri d'oro, adess i feruviè j'on trovà cula di lansò e del fudrèti ad carta velina ch'ij pagavu car c'me l'or! No! nenta i feruviè chi travaju ant'el stasion o an si trenu, no! I son i cagnon gross, cui che, cumbinasion, i ston a Ruma!!

E sti unurevul chi discütu semper? E la finansiaria, e el pension d'ana-da c'me el ven e cui chi voru vutè ant'ina manera, cui chi voru vütè ant'inatra: is бүту mai d'acordi e chi cui và a da mes a suma smper noi!

U j'era jën na vota c'l'auriva vendji in brevèt: u diva c'l'ava trovà la manera ad fè stè ant'la medesima gabia in luv e n'agné. Cui d'la cumision i son andacc a vighi e j'on vist c'l'era propi acsè: j'on uardà an po' e pö j'on dicc: "ma us pol savei c'me 't fai? -A l'è facilism: ogni tont ai бүтума in agné bele nov!!".

Eh! L'ava propi rason cu l'ater là c'l'ava facc in "sondaggio" pulitic e u diva: se u cascheisa la volta del Parlament antont che tücc j'onorevoli i son riunì, chi c'us salva? L'Italia!!!

U noster Papa el viagia semper, el va an tüt el mond per predichè l'amur du Siur Mesia e purtè la Speronsa. A setember l'è stacc anche chi a Türen per festegiè u sentenari ad Don Bosco. U j'è semper cuc bel spirit c'la semper da dì la soua e anlura l'ha anventà na batüda: che diferenza cu j'è tra el Padre Eterno e Giovanni Paolo II? Che el Padre Eterno a l'è in ogni luogo, ma Papa Wojtyla u j'è sa stacc!!

L'è che anveci ad fê del batüdi, u sarejva mei chi steisu a senti cul cu dis, perchè a l'è u rapresentont du Siur Mesia chi an s'la tera e s'ij deisu dament a vivreivu an po' pü ben, pü tronquil, senza tucc sti rapiment, sta droga, sta delinquensa, aterchè!

Ma ades a l'è mei ca la pionta lè se no la sunada la ven trop longa! Magari as дума apuntament per in atr'ani e a parleruma ad cuc cosa d'ater.

Anlura av present la me famija...

